

Insembl scuvrir la scrittüra

Custabs e simbols fascineschan a Lur iffaunt. Cun Lur agüd po l'iffaunt scuvrir ils misteris da la scrittüra. Palperi e culuors l'invidan ad experimenter.



Frequenter bibliotecas

Cudeschs paun dvanter buns amihs. In bibliotecas paun Els/Ellas, insembl cun Lur iffaunt, impraster cudeschs ed otras medias.



Fer adöver da differentas medias

Na be experienzas cun tuot ils sens e muvimaing our i'l liber tuochan tal minchadi da l'iffaunt, ma eir la variedad da medias. Ch'Els/Ellas accompagnan a Lur iffaunt, cur ch'el scuvrescha istorgias in cudeschs, films, cudeschs auditivs ed apps.



Esser creativ cun purtrets e scrittüra

Scrivlotter e pittüerer sün palperi, fotografer e crear insembl cun smartphones e tablets animescha a Lur iffaunt da s'exprimer cun plets ed illustraziuns.



Promoziun da ler in famiglia

Cu ch'Els/Ellas scu genituors paun sustgnair la furnaziun da lingua e da ler da Lur iffaunt.



Discuorrer illa lingua materna

Els/Ellas daun a Lur iffaunt üna basa sgüra per impren-
der otras linguas, sch'Els/Ellas discuorran in quella
lingua ch'Els/Ellas saun il meglder.



Tadler e der respostas

Lur iffaunt sviluppa sia lingua in discurrind cun Els/
Ellas. Cun discuorrer cul iffaunt sur da sias observazi-
uns, schlargia el sieu s-chazi da plets e clappa vögla
da fer novas scuviertas.



Insembl avair plaschair vi da la lingua

Culla lingua as po giuver grandiusamaing. Cun fer
rimas, chanter e fer gös da movimaint po Lur iffaunt
resentir la lingua scu qualchosa divertent.



Quinter istorgias e guardar purtrets

Istorgias e purtrets evran novus muonds a Lur iffaunt.
El ils po scuvrir insembl cun Els/Ellas e po imprend-
bgers novus plets.



Institut svizzer per medias d'iffaunts e giu- venils SIKJM

L'institut perscrutescha ed intermediescha littera-
tura per iffaunts e giuvenils in tuot las medias. El
spordscha cuors da perfecziunamaint, cussaglia
e sviluppa progets per la promoziun linguistica e
litterela dals iffaunts e giuvenils.

Naschieu per ler (Buchstart) ün proget in coopera-
ziun cun Bibliomedia Svizra, animescha a genituors
da scuvrir insembl cun lur poppin il muond da la
lingua e da la fantasia. Mincha novnaschieu sur-
vain sieu prüm cudesch e las bibliotecas invidan
a genituors cun lur iffauntins a fer gös da rimas e
tadler istorgias.

l'ram da **Schenk mir eine Geschichte – Family
Literacy** s'inscuntran regulermaing gruppas da
genituors cun iffaunt da differentas linguas suot
la direcciun d'üna animatura per quinter istorgias,
giuver cun rimas e chanzuns, guardar cudeschs da
purtrets e scuvrir il muond da la scrittüra.

SIKJM

Schweizerisches Institut für
Kinder- und Jugendmedien

Georgengasse 6, 8006 Zürich
Tel. 043 268 39 00
info@sikjm.ch, www.sikjm.ch

Mit Unterstützung der
Paul Schiller Stiftung